



Broj: 13-11-4-12519/25

Datum: 02.02.2026. godine

Na osnovu člana 70. stav (5) a u vezi sa članom 68. stav (4) tačka i) i članom 69. stav (2) Zakona o javnim nabavkama BiH ("Službeni glasnik BiH" br. 39/14, 59/22, 50/24) člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javnu nabavku roba, radova i usluga, Općinska načelnica d o n o s i

ODLUKU O KVALIFIKOVANOSTI PONUĐAČA U PREGOVARAČKOM POSTUPKU BEZ OBJAVE OBAVJEŠTENJA O NABAVCI

I

Zahtjev za učešće i kvalifikaciona dokumentacija ponuđača **LIBUSOFT CICOM d.o.o. Zagreb**, ocijenjena je na prijedlog Komisije za javnu nabavku roba, radova i usluga kao **nepravilna te se odbacuje iz razloga što ne ispunjava** tražene kvalifikacione uslove, odnosno zahtjeve ugovornog organa tražene tenderskom dokumentacijom za fazu pretkvalifikacije u postupku nabavke radova „Održavanje softvera za registar nekretnina“.

II

Ova Odluka stupa na snagu danom donošenja, te se istom poništava postupak predmetne javne nabavke, a dostaviti će se ponuđaču/kandidatu koji je učestvovao u postupku javne nabavke.

Obrazloženje

Postupak javne nabavke proveden je putem pregovaračkog postupka bez objave obavještenja o nabavci, a pokrenut je na osnovu Odluke Općinske načelnice broj: 13-11-4-12519/25 od 05.12.2025. godine.

Procijenjena vrijednost javne nabavke sa PDV-om je: 15.000,00 KM (slovima: petnaest hiljada i 00/100 konvertibilnih maraka).

Informacija o pregovaračkom postupku bez objave obavještenja o nabavci broj: 935-4-2-225-20-12/25 objavljena je na portalu javnih nabavki dana 23.12.2025. godine, te je ispravka informacije broj: 935-4-2-225-21-3/25 objavljena dana 23.12.2025. godine.

Komisija za javne nabavke roba, radova i usluga je imenovana Rješenjem Općinske načelnice broj: 01-11-4-5935/25 od 09.07.2025. godine.

U predmetnom postupku utvrđeno je da je Komisija za javne nabavke roba, radova i usluga izvršila otvaranje i ocjenu zaprimljenog zahtjeva za učešće i pretkvalifikacione dokumentacije, o čemu je sačinila Zapisnik, u kojem je utvrđeno slijedeće:

Nakon izvršenog otvaranja zaprimljenog zahtjeva za učešće i pretkvalifikacione dokumentacije, Komisija za javne nabavke je pristupila analizi dokumentacije, u smislu provjere njene validnosti, s obzirom na iskazane zahtjeve ugovornog organa u tenderskoj dokumentaciji za fazu pretkvalifikacije, odnosno pregledu dokumentacije u skladu sa procedurama i pravilima utvrđenim tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Iz Zapisnika o pregledu i ocjeni kvalifikovanosti ponuđača vidljivo je da je do dana 02.02.2026. godine, pristigao zahtjev za učešće i pretkvalifikaciona dokumentacija slijedećeg ponuđača:

Red. Br.	Naziv i sjedište ponuđača	Datum prijema zahtjeva za učešće
1.	LIBUSOFT CICOM d.o.o. Zagreb	16.01.2026. godinu u 09:30 sati

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da dostavljena kvalifikaciona dokumentacija i zahtjev za učešće ponuđača/kandidata LIBUSOFT CICOM d.o.o. Zagreb **ne ispunjava** tražene kvalifikacione uslove, odnosno zahtjeve ugovornog organa tražene tenderskom dokumentacijom za fazu pretkvalifikacije.

Tenderskom dokumentacijom za fazu pretkvalifikacije u tački 7.1.3. b) propisano je da je ponuđač u sklopu zahtjeva za učešće dužan dostaviti b) Uvjerenje Suda Bosne i Hercegovine kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca; (**Dokument 2**). U tački 9.1. tenderske dokumentaciju u opisu zahtijevanog dokumenta 2 navodi se je zahtjevan originalna ili ovjerena kopija dokumenta, te da dostavljeni dokazi ne mogu biti stariji od tri mjeseca, računajući od dana dostavljanja zahtjeva za učešće.

Uvidom u dostavljeni zahtjev za učešće ponuđača LIBUSOFT CICOM d.o.o. Zagreb vidljivo je da je ponuđač propustio da dostavi ovjerenu kopiju Uvjerenja Suda Bosne i Hercegovine kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca.

Iz naprijed navedenog razloga, zahtjev za učešće ponuđača LIBUSOFT CICOM d.o.o. Zagreb se nije mogao uzeti u dalje razmatranje.

Komisija za javne nabavke roba, radova i usluga je jednoglasno predložila Općinskoj načelnici da u skladu sa odredbama člana 70. stav (5) a u vezi sa članom 68. stav (4) tačka i) i članom 69. stav (2) Zakona o javnim nabavkama BiH ("Službeni glasnik BiH" br. 39/14, 59/22, 50/24) donese Odluku o kvalificiranosti ponuđača u pregovaračkom postupku bez objave obavještenja o nabavci i odbaci zahtjev za učešće ponuđača LIBUSOFT CICOM d.o.o. Zagreb iz razloga što ne ispunjava tražene kvalifikacione uslove, odnosno zahtjeve ugovornog organa tražene tenderskom dokumentacijom za fazu pretkvalifikacije, te poništi postupak javne nabavke „Održavanje softvera za registar nekretnina“.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).



Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.

